

Одјељак Ц. Сваке године треба навести следеће појединости о сваком узрочнику зоонозе и података који се односе на зоонозе укључујући и њихове посљедице:

- а) промјене код већ описаних система;
- б) промјене претходно описаних метода;
- ц) резултате истраживања и даљих типизирања или осталих метода идентификације у лабораторијама (за сваку групу података посебно);
- д) процјену досадашњег стања, тренда и извора заразе на националном нивоу;
- е) важност болести као зоонозе;
- ф) важност открића узрочника код животиња и у храни као могућег извора заразе људи;
- г) утврђене мјере контроле које могу да се користе за спречавање или смањење преноса узрочника зоонозе на људе;
- х) по потреби посебне мјере о којима одлуче надлежни органи или их Заједничка комисија за праћење зооноза предложи на основу актуелног стања.

Одјељак Д. Извјештавање о резултатима истраживања

Резултати истраживања садрже: број претражених епидемиолошких цјелина (јато, стадо, узорци, количине) и број позитивних узорака према дефиницији случаја. Уколико је потребно, резултати се приказују на начин да садрже географску проширеност зооноза или узрочника зоонозе.

Одјељак Е. За податке о избијању болести које се преносе храном:

- а) укупан број избијања током једне године;
- б) број оболелих људи и број смртних случајева приликом споменутог избијања;
- ц) узрочнике избијања болести које се преносе храном, укључујући ако је могуће серотип или други коначни опис узрочника. Ако идентификација узрочника није могућа, треба навести разлог немогућности идентификације;
- д) прехранбене производе повезане са избијањем болести и остале могуће преноснике (вехикули);
- е) идентификацију врсте мјеста гдје су се произвели/купили/набавили/конзумирали сумњиви прехранбени производи;
- ф) остале факторе као нпр. недостатак хигијене приликом обраде хране.

Одјељци од А. до Д. примјењују се на извјештаје о праћењу спроведене у складу са чл. 4. или 7. овог Правилника.

Одјељак Е. примјењује се на извјештаје о праћењу спроведене у складу са чланом 8. овог Правилника.

На основу члана 15. став 2. Закона о ветеринарству у Босни и Херцеговини ("Службени гласник БиХ", број 34/02) и члана 17. Закона о Вијећу министара Босне и Херцеговине ("Службени гласник БиХ", бр. 30/03, 42/03, 81/06, 76/07, 81/07, 94/07 и 24/08), Вијеће министара Босне и Херцеговине, на приједлог Уреда за ветеринарство Босне и Херцеговине, на 119. сједници одржаној 22. априла 2010. године, донијело је

PRAVILNIK

О НАЧИНУ ПРАЋЕЊА ZOOZOZA I UZROČNIKA ZOOZOZA

POGLAVLJE I. - OPĆE ODREDBE

Član 1.

(Предмет, сврха и подручје примјене)

- (1) Правилником о начину праћења зооноза и узрочника зооноза (у даљњем тексту: Правилник) прописује се начин праћења зооноза и узрочника зооноза, праћење њихове отпорности на антимикробна средства, епидемиолошко истраживање механизма и услова настајања болести које се преносе храном и размјена података vezanih за зоонозе и узрочнике зооноза код људи и животиња у храни и стојној храни.

- (2) Сврха Правилника је да се осигура правилно праћење зооноза, узрочника зооноза и њихове отпорности на антимикробна средства те правилно епидемиолошко истраживање механизма и услова настајања болести које се преносе храном како би се загарантирало прикупљање података неопходних за процјену њихових трендова и извора.
- (3) Овај Правилник не искључује захтјеве одређене посебним прописима из подручја здравља људи и животиња, исхране животиња и хигијене хране.

Član 2.

(Појмовник)

За потребе овог Правилника, поједини појмови имају слиједеће значење:

- а) "зооноза" означава болест и/или заразу која се природно преноси директно или индиректно између животиња и људи;
- б) "узрочник зоонозе" означава било који вирус, бактерију, гљивичу, паразит или други биолошки агенс који би могао бити узрочник зоонозе;
- ц) "отпорност на антимикробна средства" означава способност микроорганизма одређене врсте да преживи или нарасте у присуству date концентрације антимикробног средства, која је обично довољна да спречи раст или убие микроорганизам исте врсте;
- д) "појава болести која се преноси храном" означава појаву, посматрану под датим околностима, исте болести и/или заразе код два или више случајева међу људима или ситуацију у којој посматрани број случајева надilazi очекивани број и гдје су случајеви повезани или су вјероватно повезани с истом храном као извором заразе;
- е) "праћење" (monitoring) означава начин прикупљања, анализирања и давања података о појави зоонозе, узрочника зоонозе и њихове отпорности на антимикробна средства;
- ф) "subjekt u poslovanju s hranom" је физичко или правно лице, регистровано за обављање одређених дјелатности vezanih уз пословање с храном, одговорно за осигуравање несметане provedbe propisa о храни и овог Правилника, унутар свог пословања;
- г) "Zajednička komisija za praćenje zoonoza" је Заједничка комисија за зоонозе коју успоставља министар ванjsке трговине и економских односа Босне и Херцеговине (у даљњем тексту: министар), а коју чине представници надлежних органа из таč. h), i), j) и k) овог члана;
- х) "надлежни органи за законодавство о здрављу животиња" су Уред за ветеринарство Босне и Херцеговине, Федерално министарство пољопривреде, водопривреде и шумарства, Министарство пољопривреде, шумарства и водопривреде Републике Српске, Одјел за пољопривреду, шумарство и водопривреду Брчко Дистрикта Босне и Херцеговине;
- и) "надлежни органи за законодавство о здрављу људи" су Федерално министарство здравства, Министарство здравља и социјалне заштите Републике Српске, Одјел за здравство и остале услуге Брчко Дистрикта Босне и Херцеговине;
- ј) "надлежни органи за законодавство о стојној храни" су надлежни органи из таčке h) овог члана;
- к) "надлежни органи за законодавство о хигијени хране" су надлежни органи из таčке h) овог члана;
- л) "epidemiologija" је наука о законитостима при појављивању групних болести;
- м) "posebni propisi" су прописи с подручја здравља људи, здравља животиња, стојне хране и хигијене хране.

Član 3.

(Обавезе надлежних органа)

- (1) Надлежни органи из члана 2. таč. h), i), j) и k) овог Правилника (у даљњем тексту: надлежни органи) гарантирају да се подаци о појави зооноза и узрочника зооноза и њиховој отпорности на антимикробна средства прикупљају, анализирају и објављују без одлагања, у складу с условима propisanim овим Правилником.

- (2) Nadležni organi određuju ustanovu i/ili nadležnu jedinicu u svom sastavu, u skladu s ovim Pravilnikom, o čemu obavještavaju Zajedničku komisiju za praćenje zoonoza. Ako nadležni organ odredi više od jedne nadležne jedinice u svom sastavu, on:
- obavještava Zajedničku komisiju za praćenje zoonoza koja će to nadležna jedinica u njegovom sastavu biti zadužena za komunikaciju s Zajedničkom komisijom za praćenje zoonoza i;
 - garantira da nadležne jedinice u sastavu nadležnog organa saraduju kako bi se osigurala pravilna primjena odredbi ovog Pravilnika.
- (3) Nadležni organi garantiraju uspostavu efikasne i trajne saradnje bazirane na razmjeni općih i prema potrebi specifičnih podataka između nadležnih organa ili više nadležnih jedinica u njihovom sastavu, određenih u svrhu provedbe ovog Pravilnika, i to:
- nadležni organ za zakonodavstvo o zdravlju životinja;
 - nadležni organ za zakonodavstvo o zdravlju ljudi;
 - nadležni organ za zakonodavstvo o stočnoj hrani;
 - nadležni organ za zakonodavstvo o higijeni hrane;
 - ostali organi i nadležne organizacije.
- (4) Nadležni organi obavezni su osigurati trajno funkcioniranje službi i djelatnosti te sistematsko usavršavanje stručnjaka na području veterinarstva, mikrobiologije i epidemiologije iz područja svoje nadležnosti, a za potrebe provođenja ovog Pravilnika.

POGLAVLJE II. - PRAĆENJE ZOONOZA I UZROČNIKA ZOONOZA

Član 4.

(Opća pravila o praćenju zoonoza i uzročnika zoonoza)

- Svi nadležni organi, svako iz svoje nadležnosti, prikupljaju odgovarajuće i uporedive podatke u skladu s posebnim propisima kako bi se prepoznale i opisale opasnosti, procijenile izloženosti i utvrdili rizici pojave zoonoza i uzročnika zoonoza.
- Praćenje zoonoza i uzročnika zoonoza se odvija u fazi ili fazama prehrambenog lanca koji je najprikladniji za pojavu zoonoze ili dotičnog uzročnika zoonoze, i to:
 - na nivou primarne proizvodnje i/ili;
 - u drugim fazama prehrambenog lanca, uključujući hranu i stočnu hranu.
- Praćenje obuhvata zoonoze i uzročnike zoonoza navedene u Dodatku I. odjeljak A. ovog Pravilnika. Ako epidemiološko stanje u državi to zahtijeva, moraju se pratiti i zoonoze i uzročnici zoonoza iz Dodatka I. odjeljak B. ovog Pravilnika.
- Lista zoonoza i uzročnika zoonoza iz Dodatka I. ovog Pravilnika može se izmijeniti i dopuniti kako bi se uvrstile i druge ili brisale uvrštene zoonoze ili uzročnici zoonoza, vodeći posebno računa o slijedećim kriterijima:
 - njihovoj pojavi kod životinja, ljudi, u stočnoj hrani i hrani;
 - važnosti njihovih učinaka na ljude;
 - privredne posljedice zbog poremećenog zdravstvenog stanja ljudi i životinja, te posljedice na industriju hrane i stočne hrane;
 - epidemioloških trendova kod životinja i ljudi, u stočnoj hrani i hrani.
- Praćenje zoonoza i uzročnika zoonoza se bazira na raspoloživim sistemima nadležnih organa. Međutim, kako bi se olakšalo prikupljanje i upoređivanje podataka, Zajednička komisija za praćenje zoonoza mora utvrditi detaljna pravila za praćenje zoonoza i uzročnika zoonoza navedenih u Dodatku I. ovog Pravilnika, koja obuhvataju:
 - praćenje zoonoza kod ljudi, populaciji ili pod-populaciji životinja ili faze prehrambenog lanca;
 - prirodu i vrstu podataka koji se prikupljaju;
 - definiciju slučajeva;
 - programe uzimanja uzoraka;
 - laboratorijske metode koje se koriste u testiranju i;

- učešalost izvještavanja, uključujući smjernice za izvještavanje između nadležnih organa na svim nivoima, uzimajući u obzir posebne propise.
- (6) Prilikom razmatranja o tome da li je potrebno predložiti detaljna pravila o usklađivanju rutinskog praćenja zoonoza i uzročnika zoonoza, u skladu sa stavom (5) ovog člana, Zajednička komisija za praćenje zoonoza daje prednost zoonozama i uzročnicima zoonoza navedenim u odjeljku A. Dodatka I. ovog Pravilnika.

Član 5.

(Usklađeni programi praćenja)

- Ukoliko podaci prikupljeni rutinskim posmatranjem, u skladu s članom 4. ovog Pravilnika, nisu dovoljni mogu se utvrditi usklađeni programi praćenja jedne ili više zoonoza i/ili uzročnika zoonoza. Usklađeni programi praćenja donose se, prevashodno, ako se utvrde posebne potrebe, kako bi se procijenili rizici ili odredile polazišne vrijednosti koje se odnose na zoonoze ili uzročnike zoonoza na nivou države.
- Minimalna pravila za uspostavu usklađenog programa praćenja jedne ili više zoonoza i/ili uzročnika zoonoza utvrđena su u Dodatku III. ovog Pravilnika.

Član 6.

(Dužnosti subjekta u poslovanju s hranom)

Nadležni organi garantiraju da će u slučaju kada subjekt u poslovanju s hranom bude obavljao ispitivanja radi utvrđivanja prisustva zoonoza ili uzročnika zoonoza prema članu 4. stav (2) ovog Pravilnika:

- čuvati rezultate i pobrinuti se za čuvanje bilo kojega izolata u periodu koji je utvrdio nadležni organ i;
- obavijestiti o rezultatima i/ili dostaviti izolate nadležnom organu na njegov zahtjev.

POGLAVLJE III.- OTPORNOST NA ANTIMIKROBNA SREDSTVA, POJAVA BOLESTI KOJE SE PRENOSE HRANOM

Član 7.

(Praćenje otpornosti na antimikrobna sredstva)

U skladu sa zahtjevima navedenim u Dodatku II. ovog Pravilnika nadležni organi garantiraju da praćenje otpornosti na antimikrobna sredstva pruža uporedive podatke o pojavi otpornosti na antimikrobna sredstva kod uzročnika zoonoza i drugih uzročnika u onoj mjeri u kojoj isti predstavljaju prijetnju za zdravlje ljudi.

Član 8.

(Epidemiološko istraživanje bolesti koje se prenose hranom)

- Nadležni organi garantiraju da će u slučaju kada subjekt u poslovanju s hranom bude davao podatke, u skladu s članom 6. ovog Pravilnika, sačuvati predmetni prehrambeni proizvod ili njegov odgovarajući uzorak kako se ne bi otežalo njegovo pretraživanje u laboratoriji ili istraživanje o pojavi bilo koje bolesti koje se prenose hranom.
- Nadležni organi istražuju izbijanje bolesti koje se prenose hranom. Istraživanje pruža podatke o epidemiološkom profilu, prehrambenim proizvodima koji su moguće bili povezani s izbijanjem bolesti i mogućim uzrocima izbijanja bolesti. Istraživanja će uključiti, što je više moguće, provedbu odgovarajućih epidemioloških i mikrobioloških studija. Nadležni organi šalju Zajedničkoj komisiji za praćenje zoonoza sažetak izvještaja o rezultatima provedenih istraživanja, obuhvatajući podatke iz odjeljka E. Dodatka IV. ovog Pravilnika.
- Epidemiološka istraživanja iz st. (1) i (2) ovog člana primjenjuju se u skladu s odredbama posebnih propisa o sigurnosti proizvoda, o sistemima ranog upozorenja i odgovora na sprječavanje i kontrolu prenosivih bolesti kod ljudi i životinja, higijeni hrane, posebno onih o hitnim mjerama i postupcima za povlačenje hrane i stočne hrane s tržišta.

POGLAVLJE IV. - RAZMJENA PODATAKA I LABORATORIJE**Član 9.**

(Procjena trendova i izvora zoonoza, uzročnika zoonoza i otpornosti na antimikrobna sredstva, izvještaji i formiranje Zajedničke komisije)

- (1) Nadležni organi imaju obavezu procjenjivati trendove i izvore zoonoza, uzročnika zoonoza i otpornosti na antimikrobna sredstva na području iz svoje nadležnosti.
- (2) Svaki nadležni organ šalje Zajedničkoj komisiji za praćenje zoonoza do kraja aprila svake godine, za prethodnu godinu, s područja svoje nadležnosti izvještaj o trendovima i izvorima zoonoza, uzročnika zoonoza i otpornosti na antimikrobna sredstva, obuhvatajući podatke prikupljene u skladu s čl. 4., 7. i 8. ovog Pravilnika.
- (3) Odluku o formiranju Zajedničke komisije za praćenje zoonoza donosi ministar, na prijedlog Ureda za veterinarstvo Bosne i Hercegovine, uz saglasnost nadležnih organa entiteta i Brčko Distrikta BiH. Odluka najmanje mora sadržavati:
 - a) imena članova komisije;
 - b) odgovornosti članova komisije;
 - c) opis radnih zadataka;
 - d) način komunikacije i razmjene informacija.
- (4) Minimalni zahtjevi za izvještaj o trendovima i izvorima zoonoza, uzročnika zoonoza i otpornosti na antimikrobna sredstva utvrđeni su u Dodatku IV. ovog Pravilnika.
- (5) Zajednička komisija za praćenje zoonoza može zatražiti dodatne izvještaje i posebne informacije od nadležnih organa, koji su ih dužni dostaviti nakon navedenog zahtjeva, a mogu to učiniti i na vlastitu inicijativu.
- (6) Zajednička komisija za praćenje zoonoza analizira izvještaje iz stava (2) ovog člana i do kraja juna tekuće godine izrađuje izvještaj o trendovima i izvorima zoonoza, uzročnika zoonoza i otpornosti na antimikrobna sredstva.
- (7) Kod pripreme izvještaja o trendovima i izvorima zoonoza, uzročnika zoonoza i otpornosti na antimikrobna sredstva, Zajednička komisija za praćenje zoonoza može uzeti u obzir i druge podatke prikupljene provođenjem propisa s područja zdravlja životinja, zdravlja ljudi, stočne hrane i higijene hrane.
- (8) Izvještaj o trendovima i izvorima zoonoza, uzročnika zoonoza i otpornosti na antimikrobna sredstva, Zajednička komisija za praćenje zoonoza upućuje na mišljenje nadležnim organima.
- (9) Zajednička komisija za praćenje zoonoza do kraja septembra tekuće godine dostavlja nadležnim organima završni izvještaj o trendovima i izvorima zoonoza, uzročnika zoonoza i otpornosti na antimikrobna sredstva za prethodnu godinu.
- (10) Izvještaji o trendovima i izvorima zoonoza, uzročnika zoonoza i otpornosti na antimikrobna sredstva i bilo koji njihovi sažeci stavljaju se na raspolaganje javnosti u skladu s posebnim propisima.

Član 10.

(Referentne laboratorije)

- (1) Referentne laboratorije za analiziranje i testiranje zoonoza i uzročnika zoonoza i njihove otpornosti na antimikrobna sredstva određuju se u skladu s posebnim propisima kojima je regulirana ova oblast.
- (2) Odgovornosti i zadaci referentnih laboratorija, posebno u pogledu koordinacije njihovih aktivnosti određuju se posebnim propisima.
- (3) Nadležni organi određuju referentne laboratorije za svako područje iz svoje nadležnosti i o tome obavještavaju Zajedničku komisiju za praćenje zoonoza.

POGLAVLJE V. - PRIMJENA, PRIJELAZNE I ZAVRŠNE ODREDBE**Član 11.**

(Izmjene i dopune Dodataka)

Zajednička komisija za praćenje zoonoza prati nova naučna postignuća, na osnovu savremenih stručnih i naučnih postignuća te aktuelne situacije u zemlji i svijetu, za bilo koja pitanja obuhvaćena ovim Pravilnikom, te predlaže izmjene i dopune dodataka ovog Pravilnika ili uspostavu usklađenih programa praćenja u skladu s članom 5. ovog Pravilnika.

Član 12.

(Dodaci)

Dodaci I - IV. štampani su u prilogu ovog Pravilnika i čine njegov sastavni dio.

Član 13.

(Stupanje na snagu)

Ovaj Pravilnik stupa na snagu osmoga dana od dana objavljivanja u "Službenom glasniku BiH".

VM broj 105/10
22. aprila 2010. godine
Sarajevo

Predsjedavajući
Vijeća ministara BiH
Dr. Nikola Špirić, s. r.

DODATAK I.

Odjeljak A. Zoonoze i uzročnici zoonoza uključeni u praćenje

- bruceloza i njezini uzročnici
- kampilobakterioza i njezini uzročnici
- listerioza i njezini uzročnici
- salmoneloze, salmonelne infekcije i njihovi uzročnici
- trihineloza i njezini uzročnici
- ehinokokoza i njezini uzročnici
- tuberkuloza uzrokovana Mycobacterium bovis
- Escherichia coli koja izlučuje verotoksin
- Bjesnoća
- Q groznica
- Bedrenica

Odjeljak B. Popis zoonoza i uzročnika zoonoza koji se prate u skladu s epidemiološkim stanjem

1. Virusne zoonoze
 - kalicivirus
 - hepatitis A virus
 - virusi gripe
 - virusi koje prenose artopodi
 - coronavirus
 - SARS CoV
2. Bakterijske zoonoze
 - boreliozna i njezini uzročnici
 - botulizam i njezini uzročnici
 - leptospiroza i njezini uzročnici
 - klamidioza i njezini uzročnici
 - mikobakterioze osim tuberkuloze uzrokovane Mycobacterium bovis
 - vibriozna i njezini uzročnici
 - jersinioza i njezini uzročnici
3. Parazitske zoonoze
 - anisakija i njezini uzročnici
 - kriptosporidioza i njezini uzročnici
 - cisticerkoza i njezini uzročnici
 - toksoplazmoza i njezini uzročnici
 - lišmanijaza
4. Ostale zoonoze i uzročnici zoonoza

DODATAK II.

Uslovi za praćenje otpornosti na antimikrobna sredstva u skladu s članom 7. ovog Pravilnika

Odjeljak A. Opći uslovi

Sistem praćenja otpornosti na antimikrobna sredstva predviđen članom 7. ovog Pravilnika treba pružiti najmanje slijedeće podatke:

1. životinjske vrste uključene u praćenje;
2. bakterijske vrste i/ili sojevi uključeni u praćenje;

3. начин uzimanja uzoraka koji se primjenjuje kod praćenja;
4. antimikrobna sredstva uključena u praćenje;
5. laboratorijske postupke primjenjive za otkrivanje otpornosti;
6. laboratorijske postupke primjenjive za identifikaciju mikrobnih izolata;
7. metode koje se koriste za prikupljanje podataka.

Odjeljak B. Posebni uslovi

Sistem praćenja pruža odgovarajuće podatke barem u pogledu reprezentativnog broja izolata *Salmonella spp.*, *Campylobacter jejuni* i *Campylobacter coli* kod goveda, svinja i peradi kao i hrane životinjskog porijekla koja potiče od tih vrsta.

DODATAK III.

Usklađeni programi praćenja iz člana 5. ovog Pravilnika

Kad se ustanovi usklađeni program praćenja, potrebno je utvrditi najmanje slijedeća programska obilježja:

- svrhu,
- trajanje,
- geografsko područje ili regiju,
- zoonoze i/ili uzročnike zoonoza,
- vrste uzoraka i ostale tražene podatke,
- najmanji broj uzoraka i način uzimanja uzoraka,
- vrste laboratorijskih postupaka,
- zadatke nadležnih organa,
- resurse koje treba uključiti,
- procjenu troškova i finansiranje,
- metode i vrijeme za izvještavanje o rezultatima.

DODATAK IV.

Izveštaj o trendovima i izvorima zoonoza, uzročnika zoonoza i otpornostina antimikrobna sredstva

Izveštaj sadržava najmanje slijedeće podatke:

Odjeljak A. Pri prvom izvještavanju treba navesti slijedeće podatke za svaku zoonozu i uzročnika zoonoze:

- a) sistemi praćenja (način uzorkovanja, učestalost uzimanja uzoraka, vrste uzoraka, definicija slučajeva, dijagnostički postupci koji se primjenjuju);
 - b) politika vakcinacije i ostale preventivne mjere;
 - c) kontrolni mehanizmi i/ili programi;
 - d) mjere u slučaju pozitivnih nalaza ili pojava sporadičnih slučajeva;
 - e) važeći sistemi obavezne prijave bolesti;
 - f) historija bolesti u zemlji.
- Svako slijedeće izvještavanje sadrži samo promjene.

Odjeljak B. Svake godine treba navesti slijedeće podatke:

- a) relevantna prijemčiva populacija životinja (zajedno s datumom na kojeg se podaci odnose);
 - broj stada ili jata,
 - ukupan broj životinja;
 - ako je potrebno, podatke o načinu držanja i uzgoja životinja;
- b) broj i opće podatke laboratorija i institucija uključenih u praćenje.

Odjeljak C. Svake godine treba navesti slijedeće pojedinosti o svakom uzročniku zoonoze i podataka koji se odnose na zoonoze uključujući i njihove posljedice:

- a) promjene kod već opisanih sistema;
- b) promjene prethodno opisanih metoda;
- c) rezultate istraživanja i daljnjih tipiziranja ili ostalih metoda identifikacije u laboratorijama (za svaku grupu podataka posebno);
- d) procjenu dosadašnjeg stanja, trenda i izvora zaraze na nacionalnom nivou;
- e) važnost bolesti kao zoonoze;
- f) važnost otkrića uzročnika kod životinja i u hrani kao mogućeg izvora zaraze ljudi;

- g) utvrđene mjere kontrole koje se mogu koristiti za sprječavanje ili smanjenje prijenosa uzročnika zoonoze na ljude;
- h) po potrebi posebne mjere o kojima odluče nadležni organi ili ih Zajednička komisija za praćenje zoonoza predloži na osnovu aktuelnog stanja.

Odjeljak D. Izvještavanje o rezultatima istraživanja

Rezultati istraživanja sadrže: broj pretraženih epidemioloških cjelina (jato, stado, uzorci, količine) i broj pozitivnih uzoraka prema definiciji slučajaja. Ukoliko je potrebno, rezultati se prikazuju na način da sadrže geografsku proširenost zoonoza ili uzročnika zoonoze.

Odjeljak E. Za podatke o izbivanju bolesti koje se prenose hranom:

- a) ukupan broj izbivanja tokom jedne godine;
- b) broj oboljelih ljudi i broj smrtnih slučajeva prilikom spomenutog izbivanja;
- c) uzročnike izbivanja bolesti koje se prenose hranom, uključujući ako je moguće serotip ili drugi konačni opis uzročnika. Ako identifikacija uzročnika nije moguća, treba navesti razlog nemogućnosti identifikacije;
- d) prehrambene proizvode povezane s izbivanjem bolesti i ostale moguće prijenosnike (vehikuli);
- e) identifikaciju vrste mjesta gdje su se proizveli/kupili/nabavili/konsumirali sumnjivi prehrambeni proizvodi;
- f) ostale faktore kao npr. nedostatak higijene prilikom obrade hrane.

Odjeljci od A. do D. primjenjuju se na izvještaje o praćenju provedene u skladu s čl. 4. ili 7. ovog Pravilnika.

Odjeljak E. primjenjuje se na izvještaje o praćenju provedene u skladu s članom 8. ovog Pravilnika.

Temeljem članka 15. stavak 2. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 119. sjednici održanoj 22. travnja 2010. godine, donijelo je

PRAVILNIK

O NAČINU PRAĆENJA ZOOZOZA I UZROČNIKA ZOOZOZA

POGLAVLJE I. - OPĆE ODREDBE

Članak 1.

(Predmet, svrha i područje primjene)

- (1) Pravilnikom o načinu praćenja zoonoza i uzročnika zoonoza (u daljnjem tekstu: Pravilnik) propisuje se način praćenja zoonoza i uzročnika zoonoza, praćenje njihove otpornosti na antimikrobna sredstva, epidemiološko istraživanje mehanizma i uvjeta nastajanja bolesti koje se prenose hranom i razmjena podataka u svezi s zoonozama i uzročnicima zoonoza kod ljudi i životinja u hrani i stočnoj hrani.
- (2) Svrha Pravilnika je da se osigura pravilno praćenje zoonoza, uzročnika zoonoza i njihove otpornosti na antimikrobna sredstva te pravilno epidemiološko istraživanje mehanizma i uvjeta nastajanja bolesti koje se prenose hranom kako bi se zagarantiralo prikupljanje podataka neophodnih za procjenu njihovih trendova i izvora.
- (3) Ovaj Pravilnik ne isključuje zahtjeve određene posebnim propisima iz područja zdravlja ljudi i životinja, prehrane životinja i higijene hrane.

Članak 2.

(Pojmovnik)

Za potrebe ovoga Pravilnika, pojedini pojmovi imaju slijedeće značenje:

- a) "zoonoza" označava bolest i/ili zarazu koja se prirodno prenosi izravno ili neizravno između životinja i ljudi;